

**Bosna i Hercegovina  
Federacija Bosne i Hercegovine**

**Bosna i Hercegovina  
Federacion of Bosnia and  
Hercegovina**



**Tuzlanski kanton  
Općina Kladanj**

**Canton of Tuzla  
Municipalitu Kladanj**

*TELEFONI: telefon/fax : 035 / 622-060*

---

**SLUŽBENI GLASNIK  
OPĆINE KLADANJ**

**BROJ : 3/08**

**10.07. 2008. GODINE**

GLASNIK izdaje Stručna Služba Vijeća i Načelnika  
GLASNIK izlazi po potrebi

# SADRŽAJ

## I AKTA OPĆINSKOG VIJEĆA

1. Odluka o provođenju javne rasprave u postupku donošenja planskih dokumenata
2. Odluka o visini naknade za nepriznatno uzurpirano zemljište u 2008. godini
3. Odluka u subvencioniranju linijskog prevoza učenika srednje škole za školsku 2008/2009. godinu koji putuju iz povratničkog naselja Turalići
4. Odluka o rasporedu sredstava sa pozicije "Transfer za parlamentarne grupe" Budžeta Općine Kladanj za 2008. godinu
5. Odluka o davanju saglasnosti
6. Zaključak o usvajanju Programa unapređenja poljoprivredne proizvodnje u 2008. godini
7. Program unapređenja poljoprivredne proizvodnje u 2008. godini
8. Zaključak o prihvatanju Informacije o ostvarenim novčanim podrškama u primarnoj poljoprivrednoj proizvodnji
9. Zaključak o prihvatanju Nacrta Regulacionog Plana «Ravni Stanovi » Kladanj
10. Zaključak o prihvatanju Nacrta Regulacionog Plana «Stupari -Centar » Kladanj

## II AKTA OPĆINSKOG NAČELNIKA

1. Pravilnik o provođenju postupka redovne godišnje analize organizacije i sistematizacije radnih mjesta u Jedinstvenom općinskom organu uprave Općine Kladanj
2. Pravilnik o obračunu, naplati i kontroli naplate javnih prihoda
3. Odluka o odobravanju izdvajanja sredstava za pomoć u ishrani ovaca oboljelih od bruceloze
4. Odluka o prenosu namjenskih sredstava JP „Karaula“ d.o.o. Kladanj
5. Odluka o prenosu namjenskih sredstava JU Dječije obdanište "Edina Čamdžić" Kladanj
6. Odluka o pokretanju postupka javne nabavke - konkurentski zahtjev za dostavljanje ponuda sa dodatnim obavještenjem za nabavku usluga - izrada Glavnog projekta rekonstrukcije i sanacije postojećeg objekta Područne škole Crijevčići - Osnovna škola Stupari
7. Odluka o pokretanju postupka javne nabavke - konkurentski zahtjev za dostavljanje ponuda sa dodatnim obavještenjem za nabavku usluga - izrada Glavnog projekta rekonstrukcije i sanacije postojećeg objekta čitaonice u MZ Tarevo
8. Odluka o pokretanju postupka javne nabavke - konkurentski zahtjev za dostavljanje ponuda sa dodatnim obavještenjem za nabavku usluga - dorada

Glavnog projekta za izgradnju objekta Mjesnog ureda zvanog Čardaklija u Stuparima

9. Odluka o izdvajanju sredstava iz Budžeta Općine Kladanj za 2008.godinu broj: 02-14-2384/08 od 21.05.2008.godine
10. Odluka o izdvajanju sredstava iz Budžeta Općine Kladanj za 2008.godinu broj: 02-14-2398/08 od 21.05.2008.godine
11. Odluka o odobravanju izdvajanja sredstava iz Budžeta Općine Kladanj za 2008.godinu za doprinos u unapređenju omladinskog sporta
12. Odluka o izdvajanju sredstava iz Budžeta Općine Kladanj za 2008.godinu broj: 02-14-2431/08 od 27.05.2008.godine
13. Odluka o izdvajanju sredstava iz Budžeta Općine Kladanj za 2008.godinu broj: 02-14-2528/08 od 02.06.2008.godine
14. Odluka o odobravanju izdvajanja sredstava iz Budžeta Općine Kladanj za 2008.godinu za sufinansiranje pjesme za Dječiji festival „Zlatna nota“ u Mostaru
15. Odluka o izmjeni Odluke o osnivanju Komisije za davanje stručnog mišljenja u postupku legalizacije bespravno izgrađenih građevina
16. Rješenje o imenovanju Prvostepene komisije za rješavanje zahtjeva za odobravanje finansijskih sredstava za pomoć u rješavanju stambenih potreba boraca i članovima njihove porodice na području Tuzlanskog kanton
17. Rješenje o imenovanju Komisije za provođenje procedure za stipendiranje učenika i studenata
18. Mišljenje broj: 02-02-2640/08 od 20.06.2008.godine

Na temelju odredaba člana 11. Zakona o uzurpacijama („Službeni list SRBiH“, broj : 6/78) i člana 42. Statuta Općine Kladanj – prečišćen tekst („Službeni glasnik općine Kladanj“ broj : 1/01, 1/03,2/04 i 2/05) , Općinsko vijeće Kladanj na sjednici održanoj dana 31.05. 2008. godine, d o n o s i

**O D L U K U**  
**o visini naknade za nepriznato uzurpirano zemljište u 2008. godini**

Član 1.

Za nepriznato uzurpirano zemljište za koje će se uzurpantima – zemljoradnicima određivati naknada u 2008. godini , propisuje se sljedeća visina naknade :

- a) za poljoprivredna zemljišta u iznosu dvostrukog jednogodišnjeg katastarskog prihoda sa uzurpiranog zemljišta.
- b) za neplodno zemljište iznos dvostrukog jednogodišnjeg katastarskog prihoda sa pašnjaka najniže klase u istoj katastarskoj opštini .

Član 2.

Ova Odluka stupa na snagu osmog dana od dana objavljivanja u „Službenom glasniku Općine Kladanj „.

**OPĆINA KLADANJ**  
**OPĆINSKO VIJEĆE**  
Broj : 01-31- 2727/ 08  
Kladanj ; 31. 05. 2008. godine

**PREDSJEDAVAJUĆI**  
Općinskog vijeća  
**Zijad Hodžić, v.r.**

Na osnovu člana 42. Statuta Općine Kladanj –prečišćen tekst («Sl.glasnik Općine Kladanj », broj: 1/01, 1/03, 2/04 i 2/05) i člana 14. Odluke o izvršenju Budžeta općine Kladanj za 2008. godinu ("Službeni glasnik Općine Kladanj", broj 1/08 ) i člana 1.,2.,3., i 10. Zakona o finansiranju političkih partija («Sl.glasnik BiH», broj: 22/00) Općinsko vijeće Kladanj, na sjednici održanoj 31.05. 2008. godine, d o n o s i

**ODLUKU**  
**o rasporedu sredstava sa pozicije«Transfer za parlamentarne grupe»**  
**Budžeta Općine Kladanj za 2008.godinu**

I

Iz Budžeta Općine za 2008.godinu ( "Službeni glasnik općine Kladanj", broj 1/08), odobrava se raspored sredstava sa pozicije «Transfer za parlamentarne grupe» u iznosu od 15.000,00 KM i to :

R.br.	Politička stranka/Parlamentarna grupa	Broj vijećnika u Općinskom vijeću Kladanj	Raspored sredstava «Transfer za parlamentarne grupe»		
			30% u KM	70% u KM	ukupno
1.	Liberalno demokratska stranka	1	562,50	617,70	1.180,20
2.	Stranka demokratske akcije	3	562,50	1.852,90	2.415,40
3.	Stranka penzionera,umirovljenika BiH	1	562,50	617,70	1.180,20
4.	Bosansko patriotska stranka	1	562,50	617,70	1.180,20
5.	Socijal demokratska unija	2	562,50	1.235,30	1.797,80
6.	Stranka za Bosnu i Hercegovinu	5	562,50	3.088,10	3.650,60
7.	Socijal demokratska partija	3	562,50	1.852,90	2.415,40
8.	Građansko demokratska stranka	1	562,50	617,70	1.180,20
	UKUPNO		4.500,00	10.500,00	15.000,00

II

Sredstva iz tačke I ove Odluke će biti isplaćena sa pozicije «Transfer za parlamentarne grupe Budžet Općine Kladanj za 2008.godinu».

III

Za realizaciju Odluke zadužuje se Služba za finansije, poduzetništvo i lokalni ekonomski razvoj Općine Kladanj.

IV

Ova Odluka stupa na snagu danom objavljivanja u “Službenom glasniku Općine Kladanj”.

**OPĆINA KLADANJ**  
**OPĆINSKO VIJEĆE**  
Broj:01-14- 2726/08  
Kladanj:31.05.2008.godine

**PREDSJEDAVAJUĆI**  
Općinskog vijeća  
**Zijad Hodžić, v.r.**

Na osnovu člana 42. a u vezi sa članom 122. stav 3. Statuta Općine Kladanj – prečišćen tekst („Sl. glasnik Općine Kladanj“, broj: 1/01,1/03,2/04 i 2/05), Općinsko vijeće Kladanj na sjednici održanoj 31.05. 2008. godine , d o n o s i

## ZAKLJUČAK

I

Prihvata se Informacija o ostvarenim novčanim podrškama u primarnoj poljoprivrednoj proizvodnji uz stav da se u naseljenim mjestima na području općine Kladanj obezbjede oglasne table u cilju boljeg informisanja stanovništva.

II

Zaključak će se objaviti u „Službenom glasniku Općine Kladanj“ .

**OPĆINA KLADANJ**  
**OPĆINSKO VIJEĆE**

Broj: 01- 14- 2729/ 08  
Kladanj, 31.05. 2008. godine

**PREDSJEDAVAJUĆI**  
Općinskog vijeća  
**Zijad Hodžić, v.r.**

Na osnovu člana 35 . Zakona o prncipima lokalne samouprave u F BiH („Sl. novine F BiH“, broj : 39/06 ) i člana 42. i 105. Statuta Općine Kladanj – prečišćeni tekst (“Sl. glasnik Općine Kladanj „broj: 1/01, 1/02, 3/04 i 3/05), Općinsko vijeće Kladanj na sjednici održanoj 31.05. 2008. godine , d o n o s i

## **ODLUKU o davanju saglasnosti**

### Član 1.

Daje se saglasnost Općinskom načelniku da može donijeti odluku i zaključiti ugovor sa JP“Karaula“ d.o.o. Kladanj o privremenom upravljanju nad dijelom objekta Doma kulture Kladanj.

### Član 2.

Odluka stupa na snagu danom objavljivanja u „Službenom glasniku Općine Kladanj“ i primjenjivat će se do donošenja odluke o uslovima i načinu upravljanja nad objektom Doma kulture kao dobrom u općoj upotrebi.

**OPĆINA KLADANJ**  
**OPĆINSKO VIJEĆE**  
Broj:01 -40-2733//08  
Kladanj:31.05.2008.godine

**PREDSJEDAVAJUĆI**  
Općinskog vijeća  
**Zijad Hodžić, v.r.**

Na osnovu člana 29.Zakona o prostornom uređenju „Službene novine Tuzlanskog kantona“, broj 3/05) , člana 7.Uredbe o jedinstvenoj metodologiji za izradu planskih dokumenata („Službene novine Federacije BiH“, broj 63/04 i 50/07), i člana 42.Statuta Općine Kladanj-prečišćen tekst („Službeni glasnik Općine Kladanj“, broj 1/01,1/03,204 i 2/05),Općinsko vijeće Kladanj na sjednici održanoj 31.05. 2008.godine, d o n o s i

## **O D L U K U**

### **o provođenju javne rasprave u postupku donošenja planskih dokumenata**

#### Član 1.

Ovom Odlukom uređuje se način i postupak provođenja javne rasprave,pravo učešća u javnoj raspravi, realizacija stavova i obaveza proisteklih iz javne rasprave i stavljanja na uvid planskih dokumenata - dokumenta prostornog uređenja za područje općine Kladanj .

#### Član 2.

Planski dokumenti koji se donose za područje općine Kladanj i za koja se provodi javna rasprava su:

1. prostorni plan općine,
2. urbanistički plan,
3. detaljni planovi prostornog uređenja
  - regulacioni plan,
  - urbanistički projekat,
4. detaljni planovi prostornog uređenja područja posebnih obilježja.

#### Član 3.

Javna rasprava se provodi tako što nadležna općinska služba – nosilac pripreme za izradu planskog dokumenta obavještava građane, javna preduzeća i ustanove, mjesne zajednice, nevladine organizacije i dr. o načinu učešća u postupku javne rasprave.

Vrijeme, mjesto i način učešća u javnoj raspravi se objavljuje u medijima, oglasnoj tabli općine i mjesnim zajednicama ili na drugi pogodan način.

#### Član 4.

Grafički prilozi nacrtu planskog dokumenta izložiti će se u Šalter sali Općine gdje će građani i pravna lica moći sagledati urbanističku postavku sa planiranim objektima i urbanim sadržajima.

Informacije i pojašnjenja u vezi nacrtu planskog dokumenta davati će se u Općinskoj službi -nosiocu pripreme za izradu planskog dokumenta, u čijim prostorijama će se moći izvršiti uvid i u tekstualni dio planskog dokumenta.

#### Član 5.

Trajanje javne rasprave na nacrt planskog dokumenta iz člana 2. ove Odluke, utvrđuje se:

1. za prostorni plan općine..... 30 dana,
2. za urbanistički plan ..... 30 dana,
3. za detaljne planove prostornog uređenja područja posebnih obilježja .. 30 dana,
4. za detaljne planove prostornog uređenja ..... 15 dana.

#### Član 6.

Javna rasprava se zbog racionalnosti može organizovati za više mjesnih zajednica, odnosno subjekata iz člana 3.ove Odluke.

#### Član 7.

Javna rasprava će se organizovati:

- na području cijele općine za prostorni plan općine i za detaljne planove prostornog uređenja područja posebnih obilježja;
- na dijelu područja općine ako se radi o planu koji je od interesa za taj dio općine;

#### Član 8.

Javnu raspravu organizuje i provodi nosilac pripreme za izradu planskog dokumenta, savjet plana i nosilac izrade planskog dokumenta.

#### Član 9.

Tok provođenja javne rasprave, kao i prikupljanje primjedbi, sugestija i prijedloga prati nosilac pripreme za izradu planskog dokumenta i savjet plana.

#### Član 10.

O vođenju javne rasprave sačinjava se zapisnik u kojem se evidentiraju komentari, prijedlozi i sugestije od značaja za donošenje planskog dokumenta.

Prijedlozi i sugestije mogu se dostaviti i u pisanoj formi neposredno na javnoj raspravi .

#### Član 11.

Savjet plana i / ili nosilac pripreme za izradu planskog dokumenta će u saradnji sa nosiocem izrade planskog dokumenta iz člana 2.ove Odluke, izanalizirati primjedbe, prijedloge i sugestije sa javne rasprave.

Savjet plana ili nosilac pripreme za izradu planskog dokumenta daje svoje mišljenje na predloženo rješenje, nakon čega će nosilac izrade planskog dokumenta iste ugraditi u prijedlog planskog dokumenta, te dati obrazloženje i razloge za neprihvatanje pojedinih primjedbi i sugestija.

#### Član 12.

Izveštaj o prijedlozima i sugestijama sa razlozima prihvatanja ili neprihvatanja dostavljaju se predlagaču za donošenje planskog dokumenta u roku od 15 (petnaest) dana od dana zaključenja javne rasprave.

#### Član 13.

Ova Odluka stupa na snagu narednog dana od dana objavljivanja u „Službenom glasniku Općine Kladanj“.

**OPĆINA KLADANJ**

**OPĆINSKO VIJEĆE**

Broj:01- 23-2728 //08

Kladanj:31.05.2008.godine

**PREDSJEDAVAJUĆI**

Općinskog vijeća

**Zijad Hodžić, v.r.**

Na osnovu člana 42. a u vezi sa članom 122. stav 3. Statuta Općine Kladanj – prečišćen tekst („Sl. glasnik Općine Kladanj“, broj: 1/01,1/03,2/04 i 2/05), Općinsko vijeće Kladanj na sjednici održanoj 31.05. 2008. godine , d o n o s i

## ZAKLJUČAK

I

Usvaja se Program unapređenja poljoprivredne proizvodnje u 2008. godini uz prijedlog da se u Budžetu Općine Kladanj za 2008. godinu obezbjede sredstva u iznosu od 1000,00 KM na ime troškova kontrole plodnosti zemljišta u poljoprivredne svrhe i da se od ZZ „Gurača“ Kladanj izuzmu laktofriz i kante za mlijeko i da se zapisnički predaju ZZ „Dam milk“ Kladanj.

II

Zaključak će se objaviti u „Službenom glasniku Općine Kladanj“ .

**OPĆINA KLADANJ**  
**OPĆINSKO VIJEĆE**

Broj: 01- 14- 2731/ 08  
Kladanj, 31.05. 2008. godine

**PREDSJEDAVAJUĆI**  
Općinskog vijeća  
**Zijad Hodžić, v.r.**

Na osnovu člana 26.Zakona o poljoprivredi („Službene novine Federacije Bosne i Hercegovine“,br.88/07,člana 8. stav 3.alineja 3.Zakona o principima lokalne samouprave u Federaciji Bosne i Hercegovine i člana 42. Statuta općine Kladanj („Sl.glasnik općine Kladanj“,broj:1/01,1/03,2/04 i 2/05), Općinsko vijeće Kladanj na sjednici održanoj dana 31.05.2008.godine, d o n o s i

## **P R O G R A M**

### **UNAPREĐENJA POLJOPRIVREDNE PROIZVODNJE U 2008. GODINI**

- UVOD

I

Razvoj primarne poljoprivredne proizvodnje sastavna je komponenta ukupnog razvoja općine,te s toga zahtijeva podršku kojom će se obezbijediti održivost zasnovane proizvodnje, razvoj novih kapaciteta,povećati konkurentnost individualnih proizvođača na tržištu,te pružiti neophodna edukacija u smislu razvijanja svijesti da vlastitim radom i ulaganjem vlastitih sredstava može osigurati egzistencija ili poboljšati ekonomsku situaciju.Prirodni uslovi koje općina Kladanj ima određuju i grane poljoprivredne proizvodnje koje se intenzivnije razvijaju i u koje u buduće treba ulagati,a to su prije svega stočarstvo u prvom redu govedarstvo,ratarska proizvodnja ,pa i voćarstvo.Programom unapređenja poljoprivredne proizvodnje u 2008.godini(u daljem tekstu Program) vrši se raspodjela novčane podrške u primarnoj poljoprivrednoj proizvodnji u 2008.godini .Period realizacije Programa je od 01.01. do 31.12.2008.godine.

II

Sredstva iz tačke 1.ovog Programa utvrđenasu u Budžetu općine Kladanj za 2008.godinu ekonomski kod 614414-„Podsticaj poljoprivrednoj proizvodnji“(„Sl.glasnik općine Kladanj“ br. 1/08)u ukupnom iznosu od 50.000,00 KM.

III

Sredstva iz tačke 2. ovog Programa rasporedit će se fizičkim i pravnim licima( u daljem tekstu korisnicima) prema općim i posebnim kriterijima.

IV

Opći kriteriji koje moraju ispuniti korisnici da bi ostvarili pravo na novčanu podršku su:

- da su ostvarili proizvodnju ili djelatnost u 2008.godini na području općine Kladanj,
- korisnici koji se prijave u propisanom roku na odgovarajućem obrascu.

V

Pored općih kriterija iz tačke 4. ovog Programa ,korisnici moraju ispunjavati i sljedeće kriterije za pojedine djelatnosti,odnosno vršenje proizvodnje.

## A.-Animalna proizvodnja

- Da ima najmanje tri muzne krave u sistemu otkupa mlijeka ili najmanje tri grla u tovu junadi,koje posjeduju zdravstveni karton i stočni pasoš.Rok za podnošenje prijava 31.10.2008.godine.

## B.-Biljna proizvodnja

1. Proizvodnja kukuruza-pšenice,ječma,korisnici koji zasiju površinom od najmanje 2 dunuma do 10 dunuma. Rok za podnošenje zahtjeva do 31.07.2008.godine.
2. Proizvodnja krompira-korisnici koji zasiju površinu od najmanje 1 dunum krompira. Rok za podnošenje zahtjeva do 30.06.2008.godine.
3. Proizvodnja povrća u zaštićenom prostoru-korisnici koji imaju proizvodnju povrća u zaštićenom prostoru (plastenici) sa najmanjom površinom od 100 m<sup>2</sup> .Rok za podnošenje zahtjeva do 30.06.2008.godine.
4. Proizvodnja ljekobilja- korisnici koji imaju zasijane površine ljekobilja (menta,heljda,soja i sl. ).Rok za podnošenje zahtjeva 30.06.2008.godine .
5. Za iskorijenjivanje oboljelih šljiva šarke 3:1. Rok za podnošenje zahtjeva 31.10.2008.godine.

## C.-Kapitalne investicije u primarnoj poljoprivrednoj proizvodnji

- 1.Nabavka sitne poljoprivredne mehanizacije (motokultivatori,kosačice,freze motorne prskalice,sjekačice,kupilice).Rok za podnošenje zahtjeva do 31.10.2008.godine.
2. Nabavka plastenika najmanje površine od 100 m<sup>2</sup> . Rok za podnošenje zahtjeva do 31.10.2008.godine
3. Novčana podrška za nabavku laktofriza.Rok za podnošenje zahtjeva 31.10.2008.godine.

### VI

Raspored sredstava novčane podrške u primarnoj poljoprivrednoj proizvodnji u 2008.godini vršit će se po sljedećim oblastima:

Red. Br.	Vrsta podrški	jed mjere	KM/jed.mjere	ukupno obim podr.	Ukupan iznos KM
A-animalna proizvodnja-nabavka pojilica (jedna pojilica na tri grla)					
	muzne krave u sistemu proizvodnje i otkupa mlijeka i	kom	40,00	100	4.000,00
2.	Utovljena junad	kom	40,00	50	2.000,00
3.	Pomoć u obezbjedjenju sistema Vodosnabdijenja muznih ili tovnih grla minim.10 grla u gazdinstvu	kom	1.000,00	3	3.000,00
Ukupno:					10.000,00

## B.-Biljna proizvodnja

1.Proizvodnja žita (kukuruz,pšenica,ječam)	dunum	50,00	130	6.500,00
2.Proizvodnja krompira	dunum	50,00	100	5.000,00
3.Proizvodnja mente	dunum	50,00	30	1.500,00
4.Proizvodnja povrća u plastenicima	kom	100,00	25	2.500,00
5.Za iskorijenjavanje oboljelih Šljiva šarke 3:1	kom	10,00	550	6.000,00
Ukupno biljna proizvodnja				21.500,00

## C-Kapitalne investicije u primarno poljoprivrednoj proizvodnji

1. Novčana podrška nabavke sitne poljoprivredne mehanizacije(moto- kultivatora-kosačice,freze,sijačice,motorne prskalice,sjekačice,kupilice sa 25% ukupne cijene investicije				10.000,00
2. Novčana podrška nabavke platenika	kom	750,00	6	4.500,00
3. Novčana podrška za nabavku laktofriza		2	2.000,00	4.000,00
Ukupno C-kapitalne investicije				18.500,00

### VII

Način ostvarivanja podrške-Novčane podrške ostvaruju korisnici koji ispunjavaju uslove propisane ovim Programom i Uputstvom kojim će se utvrditi postupak ,odnosno potrebna dokumentacija,obraci.Uputstvo donosi Općinski načelnik.Korisnici podnose službi za finansije,poduzetništvo i lokalni ekonomski razvoj zahtjev za novčanu podršku sa dokumentacijom propisanom Uputstvom.

Isplata novčanih podrški korisnicima vrši se nakon izvršene proizvodnje,odnosno nabavljene opreme,dostavljenih i obradjenih zahtjeva.

### VIII

Svrha Programa je unapredjenje poljoprivredne proizvodnje na području općine Kladanj.

### IX

Ukoliko planirani iznos finansijskih sredstava nakon prikupljenih svih prijava bude nedovoljan procentualno se umanjuje visina novčane podrške po svim oblastima (A,B,C).

U slučaju da se utvrdjeni iznos sredstava po vrstama novčanih podrški iz objektivnih okolnosti u cjelosti ili djelimično ne iskoristi,preraspodjelu neutrošenih sredstava vrši Općinski načelnik.

### X

Ovaj Program stupa na snagu danom objavljivanja u „Službenom glasniku općine Kladanj“.

**OPĆINA KLADANJ**  
**OPĆINSKO VIJEĆE**

Broj:01-14- 2731//08

Kladanj:31.05.2008.godine

**PREDSJEDAVAJUĆI**

Općinskog vijeća

**Zijad Hodžić, v.r.**

Na osnovu člana 42. Statuta Općine Kladanj - prečišćen tekst («Službeni glasnik Općine Kladanj», broj: 1/01, 1/03, 2/04 i 2/05), Općinsko vijeće Kladanj na sjednici održanoj 31.05.2008.godine, d o n o s i

**O D L U K U**  
**o subvencioniranju linijskog prijevoza učenika srednje škole**  
**za školsku 2008/2009.godinu koji putuju**  
**iz povratničkog naselja Turalići**

Član 1.

Odobrava se subvencioniranje linijskog prijevoza učenika srednje škole za školsku 2008/2009.godinu koji putuju iz povratničkog naselja Turalići – Kladanj.

Član 2.

Sredstva po osnovu troškova iz člana 1. ove Odluke odobravaju se za sve učenike srednje škole u punom iznosu vrijednosti mjesečnih karata u javnom prijevozu.

Troškovi iz prethodnog stava će se realizirati iz Budžeta Općine Kladanj, budžetska pozicija „*Ulaganje u povratak raseljenih i izbjeglih lica*“, ekonomski kod 61423302, a na osnovu ispostavljenih mjesečnih faktura javnih prevoznika, ovjerenih od strane MSŠ „Musa Ćazim Ćatić“ Kladanj i nadležne službe Općine Kladanj.

Član 3.

Za realizaciju ove Odluke zadužuju se Općinski načelnik.

Član 4.

Ova Odluka stupa na snagu danom objavljivanja u «Službenom glasniku Općine Kladanj».

**OPĆINA KLADANJ**  
**OPĆINSKO VIJEĆE**  
Broj: 01-14-2725/08  
Kladanj, 31.05.2008.godine

**PREDSJEDAVAJUĆI**  
Općinskog vijeća  
**Zijad Hodžić, v.r.**

Na osnovu člana 42., a u vezi sa članom 122. stav 3. Statuta Općine Kladanj-  
prečišćen tekst ("Sl.glasnik Općine Kladanj ", broj: 1/01 , 1/03 ,2/04 i 2/05), Općinsko  
vijeće Kladanj na sjednici održanoj 05.07. 2008. godine , d o n o s i

## ZAKLJUČAK

### I

Prihvata se Nacrt Regulacionog Plana «Ravni Stanovi » Kladanj .

Nacrt Regulacionog Plana «Ravni Stanovi » Kladanj stavlja se na javnu raspravu.

### II

Zaključak će se objaviti u "Službenom glasniku Općine Kladanj" .

**OPĆINA KLADANJ**  
**OPĆINSKO VIJEĆE**  
Broj : 01-23-3043/08  
Kladanj ; 05.07. 2008. godine

**PREDSJEDAVAJUĆI**  
Općinskog vijeća  
**Zijad Hodžić ,v.r.**

Na osnovu člana 42., a u vezi sa članom 122. stav 3. Statuta Općine Kladanj-  
prečišćen tekst ("Sl.glasnik Općine Kladanj ", broj: 1/01 , 1/03 ,2/04 i 2/05), Općinsko  
vijeće Kladanj na sjednici održanoj 05.07. 2008. godine , d o n o s i

## ZAKLJUČAK

### I

Prihvata se Nacrt Regulacionog Plana «Stupari -Centar » Kladanj .

Nacrt Regulacionog Plana « Stupari -Centar » Kladanj stavlja se na javnu  
raspravu.

### II

Zaključak će se objaviti u "Službenom glasniku Općine Kladanj" .

**OPĆINA KLADANJ**  
**OPĆINSKO VIJEĆE**  
Broj : 01-23-3044/08  
Kladanj ; 05.07. 2008. godine

**PREDSJEDAVAJUĆI**  
Općinskog vijeća  
**Zijad Hodžić,v.r.**

Na osnovu člana 42., a u vezi sa članom 122. stav 3. Statuta Općine Kladanj- prečišćen tekst ("Sl.glasnik Općine Kladanj ", broj: 1/01 , 1/03 ,2/04 i 2/05) razmatrajući Informaciju o problematici konačne privatizacije u DD"Konjuh" Kladanj, Općinsko vijeće Kladanj na sjednici održanoj 05.07. 2008. godine , d o n o s i

## **ZAKLJUČAK**

I

Da Ministarstvo poljoprivrede, šumarstva i vodoprivrede TK , Ministarstvo za trgovinu , turizam i saobraćaj TK –a , Ministarstvo pravosuđa i uprave TK-a i premijer Vlade TK- a razmotre inicijativu Općinskog vijeća Kladanj a u vezi postupka privatizacije pravnog lica „Konjuh“ DD Kladanj , i da predlože Vladi TK-a da donese odluku kojom će omogućiti Kantonalnoj agenciji za privatizaciju da Odluku o neuspjeloj kupoprodaji stavi van snage.

U slučaju nemogućnosti donošenja navedene odluke da Vlada TK-a od pravosudnih organa zatraži što hitnije rješavanje spora pokrenutog tužbom JP„Šume TK“ DD Kladanj.

**OPĆINA KLADANJ**  
**OPĆINSKO VIJEĆE**  
Broj : 01-19-3045/08  
Kladanj ; 05.07.2008. godine

**PREDSJEDAVAJUĆI**  
Općinskog vijeća  
**Zijad Hodžić, v.r.**